

Issued: Deireadh Fómhair 2015

Imlitir: 0056/2015

Tá soiléiriú sa chiorclán seo maidir le húsáid na socrúithe soláthar poiblí atá curtha i bhfeidhm ag an Oifig um Sholáthar Rialtais. Ba cheart é a léamh i dteannta chiorclán 16/2013 de chuid na Roinne Caiteachais Phoiblí agus Athchóirithe a seoladh chuig na scoileanna go léir in éineacht le chiorclán 60/2013 de chuid na Roinne Oideachais agus Scileanna agus a bhaineann le cúrsaí soláthair san Earnáil Phoiblí. Tá na chiorcláin DES 60/2013 agus D/PER 16/2013 ar fáil ag http://www.education.ie/ga/Ciorcláin-agus-Foirmeacha/Ciorcláin-Gníomhacha/cl0060_2013_ir.pdf.

Soláthar a lorg

Bíonn sé de rogha ag bainisteoirí scoile socrúithe soláthair a dhéanamh ar a gconlán féin. Níl sé éigeantach go mbainfeadh scoileanna úsáid as na socrúithe soláthair lárnacha. Mar sin féin, meabhraítear do scoileanna a tábhachtaí atá sé luach ar airgead a fháil nuair a bhíonn airgead poiblí in úsáid agus gur chuige sin a ceapadh na socrúithe soláthair lárnacha. Is é beartas an Rialtais go mbainfeadh comhlachtaí poiblí leas as a leithéid de shocrúithe lárnacha nuair is féidir sin (Féach chiorclán 16/2013 de chuid na Roinne Caiteachais Phoiblí agus Athchóirithe).

I gcás go roghnaíonn comhlacht poiblí gan úsáid a bhaint as socrú soláthair lárnacha, ba cheart a dheimhniú go mbeidh fócas cuí ar an dea-chleachtas ceannaigh agus go bhfuil nósanna imeachta i bhfeidhm chun go gcloífeadh leis na treoirlínte soláthair ábhartha agus le hoibleagáidí beartais agus dlí d'fhonn luach ar airgead (LAA) a bhaint amach agus a thaispeáint go ndearnadh amhlaidh. Beidh an luach iomlán a bhaineann le soláthar a lorg le cur san áireamh agus an LAA á chinneadh, chomh maith le costas pé earraí agus seirbhísí atá i gceist.

Tá comhairle faoi dhea-chleachtais soláthair le fáil ag www.procurement.ie.

Seirbhísí Tacaíochta agus Soláthair

Bhunaigh an Rialtas an Oifig um Sholáthar Rialtais (OSR) chun treoir a chur ar fáil maidir le soláthar lárnaithe agus chun eolas agus tacaíocht a chur ar fáil maidir le socrúithe soláthair lárnacha. Tá sé de chúram ar an Oifig seirbhís lárnach foinsiúcháin a chur ar fáil do gach comhlacht poiblí, scoileanna san áireamh. Gheofar sonraí na gcreat agus na gconarthaí atá ar fáil ag www.procurement.ie nó trí ríomhphost a sheoladh go dtí support@ogp.gov.ie.

Bunaíodh an tAonad um Sholáthar do Scoileanna (ASS) mar acmhainn tacaíochta maidir le soláthar laistigh den earnáil oideachais. Tugann sé comhairle faoin mbealach is fearr chun teacht ar na creataí agus na conarthaí lárnacha agus iad a úsáid. Tá sé de mhisean acu a dhéanamh cinnte go gcuirtear riachtanais soláthair do scoileanna san áireamh nuair a bhíonn soláthar á lorg go lárnach sa chaoi go mbeidh na scoileanna in ann leas a bhaint as earraí agus conarthaí seirbhíse ar chostas níos ísle.

Faigheann scoileanna san earnáil BOO tacaíocht ón mBord Oideachais agus Oiliúna lena mbaineann siad, agus ón Aonad um Athchóiriú na Seirbhíse Poiblí laistigh de Bhoird Oideachais agus Oiliúna Éireann (BOOÉ).

Tá eolas maidir le soláthar san earnáil oideachais le fáil ón OSR, ó BOOÉ nó ar <http://www.education.ie/ga/Scoileanna-Coláistí/Eolas/Soláthar/Soláthar.html> . Beidh seirbhís nua ar fáil faoin mbliain 2016 a thabharfaidh deis do bhainisteoirí scoile síntiús a bhaint amach le nuachtlitir faoin soláthar san earnáil oideachais a choinneoidh scoileanna ar an eolas faoi ghníomhaíochtaí agus faoi dheiseanna soláthair. Bunaítear seirbhísí tacaíochta soláthair chun cabhrú le scoileanna na hearraí agus na seirbhísí a bhíonn de dhíth orthu a fháil ar chostas níos ísle.

Buntáistí do scoileanna

I gcioclán 16/2013 de chuid na Roinne Caiteachais Phoiblí agus Athchóirithe imlínítear cuid de na buntáistí a bhaineann le socruithe soláthair lárnacha, lena n-áirítear airgead tirim a choigilt, costais riaracháin a laghdú nuair nach mbíonn a oiread céanna tairiscintí le déanamh níos mó ná uair amháin; saineolas níos fearr ar cheannach; cur chuige níos comhleanúnaí; leibhéil seirbhíse níos airde agus cinnteacht ó thaobh an dlí de.

Deiseanna

Déanann an OSR eolas maidir le creataí agus conarthaí lárnacha nua a fhoilsiú go rialta ar a suíomh gréasáin OGP, www.procurement.ie. Foilseofar roinnt eolas ábhartha maidir le deiseanna ar an suíomh gréasáin oideachais chomh maith.

Sonraí teagmhála

OGP	support@ogp.gov.ie	076 100 8000
ASS	procurementsupport@jmb.ie	01 2035899
BOOÉ	procurement@etbi.ie	045 901070

Naisc úsáideacha

<http://www.education.ie/ga/Scoileanna-Coláistí/Eolas/Soláthar/Soláthar.html>
www.procurement.ie